



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monumenta Paderbornensia

Ferdinand <Paderborn, Bischof, II.>

Lemgoviae, 1714

Liber III. De Illustrissimi Principis in fundanda Academia consilio.

urn:nbn:de:hbz:466:1-8040

PANEGYRICI,
DIE NATALI
ACADEMIÆ THEODORIANÆ
PADERBORNENSIS,

Ejus Illustrissimo Principi Fundatori oblati,

L I B E R III.

**D e Illustrissimi Principis in fundanda
Academia consilio.**

C A P U T I.

Proæmium.

 **U** O D, Princeps Illustrissime, honesti liberi suæ adversum Parentes, & suæ stirpis auctores pietatis esse putant, ut cum eos omni officio colant, tum eorum præclare factis cognoscendis, atque commemorandis plurimum delectentur: eodem videmur nos, quique unquam in hac Academia bonis litteris inservient, erga te optimum, ac præstantissimum ejus parentem animo esse debere. Est igitur profecto nostrarum partium, posteaquam de Westphalia, atque Paderborna, quæ est Academiæ quasi patria, nonnulla dicta sunt, ut de tuis quoque, Princeps Illustrissime, laudibus differamus. At enim video jam illam tuam omnium dictorum factorumque moderatricem, ac magistram Modestiam, ad hanc solam mentionem laudis contraxisse frontem, & tristiore quam adhuc, vultu accipere orationem meam. Sic enim illa tejam inde à prima infantia finxit, atque formavit, ut

cum

cum omnia unius Dei caussa facias, à quo omnia sunt profecta, Deum ipsum sat magnum tuarum virtutum pretium putes: ut proinde anxie semper verenti, ne vel aliud ac Deum spectasse, vel aliquid ejus munerum ascripsisse tibi videare, molestiae sit atque fastidio omnis tuarum rerum commemoratio. Atque hanc equidem, tuam, Princeps Optime, submissionem animi, semper fateor, pro eo ac debui, tanquam cœlestem in hoc dignitatis fastigio virtutem, sum veneratus: tamen hodierius dies nonnullam mihi dubitationem attulit, essetne tali tempore illi de jure s: o cedendum, atque paulisper, publici commodi causa, ab illa consuetudine deflectendum. Sic enim cogitabam: si id vereatur tua modestia, ne tua laus quicquam de Dei gloria decerpatur, nunc profecto illud esse cum de tua laude silere sit nefas, quoniam nisi te publice laudato, Dei gloriam obscurari necesse est. Non enim Deus, cum hanc tibi Academiæ fundandæ cogitationem objecit, paucis mortalibus consulebat, sed compluribus late terris, atque populis: non ad fructum exigui temporis, sed ad perpetuitatem sequentium seculorum: non viles, atque incertas utilitates, sed sapientiæ lucem, solidæ gloriæ segetem, adjumenta sempiternæ salutis, felicitatis præsidia comparabat. His talibus tantisque muneribus ut gratiæ, quas Deo certe debemus, aliqua ex parte respondeant, par est, eas non in arcanatum, ac tacita cogitatione, sed publicis, illustribusque mandatas monumentis, in media hominum luce versari. Quod si ita est, qui fieri potest, ut, cum beneficia quæ Deus Opt. Max. Te Princeps Illustrissime administro, nobis præsttit, palam celebrentur, de eo, quod abs te præclare gestum est, fileatur? Verebar deinde judicia posterorum. Quid eniim existimas illos esse dicturos, si tuum tanti beneficii auctoris nomen ad eos absque ulla transmiserimus, vel tuorum commemoratione meritorum, vel nostræ testificatione pietatis? Num caussam dicere licebit, quin nos omnium mortalium invenustissimos,

mos, atque ingratissimos fuisse judicent? Tametsi enim nihil est tibi glorioius, quam, cum tanta perfeceris, nihil gloriæ amore fecisse, tamen posteaquam, pro rerum gestarum claritudine, gloria te sequitur vel invitum, nostra certe caussa tibi lætandum est, cum his operibus tuis magnificis, atque præclaris gloriam tribuimus, quæ nisi in laude poneremus, nunquam induceremus animum, ut, quod unum optas, his abs te nobis paratis commodis uteremur. Qui enim illum merita laude privat, cuius beneficium habet, is profecto satis ostendit ejus se beneficii fructu non moveri. Atque hæc quidem succurrabant reputanti, quid nostram in te pietatem deceat, & quid virtutibus tuis debeatur. Sed quoniam attendendum quoque fuit quid modestia tua, quid aures ferre possent, faciendum mihi visum est, ut tua, Princeps Illustrissime, caussa, laudatione quidem abstinerem, ne tamen suum Fundatorem, ac Parentem Academia quondam ignoraret, breviter, quid in ea instituenda consilii sis secutus exponerem. Ita enim fore confidebam, ut neque posteros quicquam eorum fugeret, quæ scire intereffet, neque tuæ modestiæ negotium facerem. Tametsi enim nihil horum absque tua laude dici potest, ita tamen dicentur, ut non in iis laustua, sed eorum utilitas quæfita videatur, in quorum commoda tantum curarum, opumque contulisti.

CAPUT II.

*Illustrissimum Principem, in fundanda Academia sue,
& Majorum præclare indoli respondere
voluisse.*

AC licet arduum, & fortasse temerarium videatur Principum, qui, ut fastigio, ita quadam mentis altitudine Dœ sunt ceteris mortalibus propiores, consilia perscrutari velle, & exponere; tamen, quemadmodum ex iis, quæ in rebus creatis cernimus, non nihil interdum de proposito divinæ mentis assequimur;

m

ita

ita in iis quæ publicæ commoditatis amore abs te, Princeps Sapientissime, adhuc facta sunt extant nonnulla vestigia, in quibus tua salutaria consilia, quasi descripta legimus. Quid quod, in ipsa quoque tua indole, natalibus, genere, est quiddam, quo facile, ut ad alia præclare gerenda, tum ad meditandam Academiam existimatum esse cognoscimus? Quanquam enim ut est quisque maxime generosus animus, ita genus, & proavos, & quæ, ut canit ingeniosus Poëta, non fecimus ipsi, minime ad se pertinere dicit; tamen postquam semel est animus virtutis amore inflammatus, hunc è claro genere fructum capit, quod eorum facta intuens, à quibus est progenitus, ne degener videatur, elaborat. Atque hunc stimulum legimus in divinis quoque litteris ad moveri: Sic enim Divus Paulus Timotheum suum alloquitur: Recordationem accipiens ejus fidei, quæ est in te non ficta, quæ & habitavit primum in avia tua Loide, & matre tua Eunice, certus sum autem quod & in te. Propter quam causam admoneo te ut resuscites gratiam DEI, quæ est in te. Hoc præceptum ab Apostolo datum Episcopo, minime tibi, Princeps optime, prætereundum putasti. Videbas enim in nobilissima tua Furstenbergiorum familia tot seculis integerrimam fidem Catholicam, non sine insigni aliarum virtutum comitatu, ut verbo Apostoli utar, habitasse. Numerabas in iis complures, qui non vulgarem eruditionem, rerumque usum sibi pepererant: multos, qui in altiore dignitatis gradu positi, Remp. consiliis, & opera sustentabant: in plerisque omnibus eximia quædam in Deum pietas, facilitas, atque omnibus in rebus modestia, & publicorum commodorum amor. Nam, ut alios præteream, quanta gravitate & sapientia fuisse accepimus ab avum tuum Wennemarum Furstenbergium? quanta vitæ sanctimonia ejus conjugem Cordulam à Galen! De qua illud accepimus, solitam tanto Christi pro nobis dira passi amore exardescere, ac vicissim optare aliquid ejus causa molestiarum exorbere, ut linteorum omni mol-

I. Tim. I.
v. 5.

mollitie deposita, laneo duntaxat vestitu, nudisque pedibus facellum crebro adiret eo intervallo ab avita domo diffitum, quantum inter locum, ubi Christus damatus est, & Calvariæ collem interest. Quam rem scio levem iis hominibus visum iri, qui totum hoc majorum nostrorum, ut nos sentimus, religionis, ac pietatis, ut ipsi dicere solent, simplicitatis, & superstitionis genus ludificatui habent. Verum non pœnitet me, laudare in nobili femina, quod in Alipio, qui deinde fuit Episcopus, prædicandum sibi putavit Augustinus: velut *fortissimo*, inquit, *do- Lib. 9. conf.
mitore corporis, usque ad Italicum solum glaciale nudo pe- cap. 6.*
de obterendum, insolito ausu. At hoc domandi corporis more musteum hoc Evangelium funditus caret. Quo libentius hæc talia commemoro, Princeps Illustrissime, ut omnes intelligent, solidam illam, virilem, antiquam, Catholicam religionem à majoribus tuis cultam esse. Hanc veluti carissimam hæreditatem adierunt, posterisque reliquerunt, Avustuuus Fridericus, Satrapa Werlensis, Electoris Coloniensis Consiliarius, & Pater item Fridericus, Satrapa Bilsteiniensis, cuius integritas, doctrina, prudenteria dicendi vis cum in patriæ negotiis, tum in publicis Imperii conventibus sæpen numero cognita est. Hanc una cum lacte ipse suxisti, à lectissima & antiquæ innocentiae amantissima fæmina Anna Westphael, quam omnibus semper pietatis officiis coluisti. Non est ab his di vellendus Joannes Furstenbergius magnus patruus tuus, qui Deo mancipatus in nobili Cœnobio Sigebergensi, quod D. Anno Coloniensis, accitis è Fructuaria Italæ viris sanctitate præstantibus, quondam fundaverat, brevi ad eas virtutes, quas domestica disciplina combiberat: sanctiora illa instituta adjungens, tantum profecit, ut sacer ille cœtus dignum eum jūdicaret, cui se & cœnobium regendum traderent. Quod munus ita sustinuit, ut Instaurator dici possit, cum veteris illius disciplinæ, tum te storum, atque fundorum, itaque clarissima est apud illos ejus nominis memoria & præclaris parta virtutum

m 2

exem-

exemplis, & opibus, quas assidua rei communis cura, ac parsimonia collectas haud modicas successori reliquit. Jam vero flagitium sit, si ex hac ipsa inclita stirpe, Guilielmu[m] Furstenbergiu[m] præteream, Ordinis Equitum Teutonicorum Sanctæ Mariæ in Livonia Magistrum, in quo Principatu Henrico à Galen successit. Huic duæ res dissimillimæ egregiam demonstrandæ virtutis suæ facultatem dedere, Principatus, & adversa fortuna. Nam cum florenti ætate sacram illam militiam administrandam accepisset, in multiplici reip. perturbatione, consiliis, atque armis. integritatem Catholicae religionis, dignitatemque ordinis sartam teatam conservavit. Quod eo fuit difficilius, quod cum frequentibus præliis lacefferetur à Moschis, interea neque vicinorum dynastarum dissidia, neque orientes jam tum pestiferæ sectæ, res ejus esse quietas finebant. Ubi vero jam ingratulante ætate, post tantam jactationem, portum sibi quasi quendam providit, & designato sibi successore, in munitam in primis arcem Vellinum se contulit, ut, quod supererat ætatis in honesto otio contereret: ibi vero majus, quam in medio mari, naufragium invenit. Nam anno MDLX, cum Moschi magnis copiis in Harriam, & Lettoniam se effudissent, tandem cæso Teutonicorum equitum exercitu exente Quintili Vellinum oppidum, quatefactis vi tormentorum muris, & ignibus in tecta conjectis, ceperunt. Arcem vero ipsam, in qua Princeps versabatur, conselerati milites, qui in præsidio erant, pacti corporum suorum, & omnium, quæ efferre possent, in columitatem, nefarie prodiderunt. Quid plura! direptis, quæ in arce erant, Principis opibus, ipsum frustra quiritantem, & fidem eorum appellantem Moschis dedunt. Neque tamen perfidis sua præda diu frui licuit. Nam Moschi re cognita spoliatos omnibus quæ rapuerant, inanes dimiserunt. Princeps ipse captivus ductus in Moscoviam, illustre barbaris patientiae & pietatis exemplum fuit. Cum enim templo careret, in quo Romano ritu sacra fierent,

velut

-III929

3 III

velut quondam Abraham, sub queru Mambre, sic *Gen. 12.*
 optimus senex statim temporibus, sub quadam arbore De-
 um colebat. Felicior omnino, qui conservata majo-
 rum religione in exilio, & custodia diem suum obiit, iis,
 qui illa repudiata, fumosos titulos, & fluxas opes sibi pe-
 pererunt. Etenim Guilielmus noster, quod de Theo-
 dosio Magno scripsit olim D. Augustinus, *Ecclesiæ se mem- s. Aug. de
 brum esse, magis quam in terris regnare gaudebat. Neque civit. Des
 aliter, atque ille affecta est cætera Furstenbergiorum fa- c. 26.*
 milia, quæ ad hunc usque diem in tanta religionum licen-
 tia, suæ illi, quam ab optimis majoribus accepit, adhuc
 præclare constitit, quod nostra tempestate tam paucis fa-
 miliis elogium video tribui posse, ut perinde sint raræ,
 atque fluvii, qui in vecti in mare dulces, inter falsas, aquas
 perpetuo retinent. Atque haec familiæ tuæ laudes, Prin-
 ceps Illustrissime, haud paullo magis eam exornant, quam
 illæ ab ejus vetustate, primaque origine decerpitæ. Non
 enim desunt, qui & antiquarum tabularum auctoritate,
 & e gentiliorum insignium forma, & natalis loci situ
 demonstrare se posse confidant, Furstenbergiam do-
 mum è vetustissima, clarissimaque Comitum Oldenbur-
 gensium stirpe genus ducere. Sed nimurum antiquius ti-
 bi semper fuit illustria majorum tuorum exempla vir-
 tutum æmulari, quam obscuras, & tot sacerulis a nostra
 memoria semotas generis tui origines excutere, & per-
 scrutari. Hoc certe Catholicæ religionis studium, quo in-
 flammatus cum alia permulta gessisti digna immortali
 laude, tum hoc gymnasium condidisti, pia illorum, atque
 attenta educatio, ac disciplina tibi primum inseruit. Ex-
 ornasti deinde, atque auxisti, quod à parentibus acce-
 peras, cum profectus es Coloniam Agrippinæ cui Urbi
 Stanislaus Hosius doctissimus Cardinalis, non dubitat
Hosius in
epist. ad
Senat. Con-
sil. minime contaminatae, vel ambiguæ fidei magistris usus,
eorum studiorum fundamenta jecisti, quorum fru-

m 3

etum

Etum facile vel ex hac tua , affecta jam ætate prompta ,
& locuplete omnis eruditionis memoria , quam nemo
non oblitupescit , æstimamus , Cæterum jam tum illa bo-
narum tractatione literarum, inducebas animum , plu-
rimum conducere , ad redintegrandum quicquid in re-
ligione labefactum est , juventutem ab iis duntaxat ma-
gistris liberalibus artibus infici , qui nihil alienum à ma-
jorum pietate sentirent . Quo in studio eruditionem
cum religionis integritate copulandi tecum faciebant
germani tui Fridericus , eximiâ gravitate & prudentiâ
vir , Canonicus Moguntinus , & , qui etiamnum vivit ,
Caspar Furstenbergius duorum Electorum Mogunti-
ni , & Coloniensis Consiliarius , supremus Westphaliæ
Satrapa , jam pridem in omnibus Imperii conventibus
magna cum dignitate , & publico commodo versatus .
Neque hæc solùm magnorum operum adjumenta domo
ad Remp. attulisti ; sed præterea , cùm plerique omnes
claris orti natalibus , immodicis in vestium , ædium , fa-
miliæ splendorem jacturis ornare se sperent fortunam
suam , ita à majoribus Furstenbergii sunt edocti , atque
assuefacti , ut sciant dignitatem generis crebris & illustri-
bus virtutum documentis , non rerum inanium appara-
tu , luxuque retineri . Hinc illa tua , Princeps optime ,
in hoc quoque fastigio in victu cultuque frugalitas : do-
mus expers strepitūs , atque turbarum : latus caritate
magis tuorum , quam armis septum : denique sumptus
in privatum modici , in publicum profusi . Cui enim nul-
læ sunt insanæ cupiditates , quæ neque exhaustis Reip.
vectigalibus expleri possint , ei necesse est opes ad juvan-
dam , ornandamque Remp. superesse . Merito igitur ,
Princeps Illustrissime , Academia nostra , non tibi modò ,
sed inclytæ quoque domui Furstenbergiæ ingentes gra-
tias agit , quòd te sustulerit , talemque formarit , cui pro-
pter conceptum à teneris veræ religionis , omnisque præ-
claræ disciplinæ amorem , si quando addignum tuis me-
ritis locum pervenires , cupido fundandæ Academiæ fa-
cile

cilè posset incidere, neque, propter insignem in omni vita temperantiam, rerumque omnium modum facultas perficiendi deesset.

CAPUT III.

Miserum statum, in quo à primo Ecclesiam Paderbornensem offendit, Principem in cogitationem Academiæ impulisse.

Uis vero Dei in Ecclesiam Paderbornensem eximi-
am voluntatem, atque providentiam satis pro digni-
tate prædicet, qui in ipso tempore, parta cælesti af-
flatu, & domesticis institutis animi tui ornamenta, non
diu cunctatus, ad ejus salutem, dignitatemque conver-
tere dignatus est? Vix inter hujus Ecclesiæ Canonicos
censeri cœperas, cùm in te omnium conjecti sunt oculi:
neque quisquam fuit, qui ut tibi honores mandarentur,
canos expectandos putaret. Aliorum virtutem diu peri-
clitatur, & explorat Ecclesia, saepe experta, eos quoque
quorum senectus omni laude floruerit, prius in illo æta-
tis lubrico, ut non ceciderint, titubasse. Te, in ipso ju-
ventutis flore Præpositum sibi delegit; de robore animi
tui constantiaque, secura. Quod equidem divino nutu
factum arbitror, ut in tempore, Reip. vulnera, quæ paulo
post curanda tibi essent, accurate cognosceres. Eo
enim tempore versabatur hæc Ecclesia in potestate Prin-
cipis à Catholica religione alieni, neque multo ante vici-
næ provinciæ gravibus erant ob dissidia de fidei doctrina
motibus jactatae, quos Gebhardus Truchsesius Archie-
piscopus ducta uxore, & Ecclesiæ contemta auctoritate
excitarat. Itaque omnibus fato quodam temporum ad
studium novarum rerum conversis, & cum iis faciente
ipso, qui corrigere debuit, Antistite, universa rei Ca-
tholicæ cura, huic Admodum Reverendo & nobilissimo
Canonicorum Ecclesiæ Cathedralis Collegio incubuit,
cujus in tuenda majorum religione excubiæ, ac labores di-
gni omnino sunt, quos justissimis laudibus, & gratiis po-
steri-

steritas tota prosequatur. Inter hos eminebat tua, Princeps Illustrissime, animi magnitudo in vincendis rebus adversis, prudentia in capiendo consilio, dexteritas in Ecclesiæ incolumitate ubique procuranda. Itaque cum defuncto Principe de successore deligendo Canonici convenissent, nemini prope dubium fuit, quin, si salvam vellent Ecclesiæ, tuæ potissimum fidei credenda esset. Ita omnibus volentibus, & fausta precatione te prosequentibus, Episcopus Paderbornensis es renunciatus. Ibi cum provinciam prope depositam, ac deploratam acceptisses, ita personam putasti, ut eam aliquando non qualem modo accepisses laceram & afflictam, sed florentem, ornatamque posses successori relinquere. Nihil dico de fortunis, quas prope consumptas repperisti: nihil de ære alieno, quo graviter sane premebatur: nihil de oppositis pignori fundis, ac villis. Taceo non modo nunc exisse ex ære alieno, & quicquid usquam obligatum fuerat bonorum Ecclesiæ, abs te liberatum esse, sed etiam novas arces exædificatas, nova veetigalia constituta. Et quoniam superiore libro nonnulla à me dicta sunt de hac tua ad confluentes Lupiæ, & Alisonis nova arce, adjiciam quoque de altera nonnihil, quæ Wewelsburgum dicitur. Ferunt in eodem loco antea arcem stetisse, cuius originem Hunnis, sive Hungaris tribuunt. Illi enim priusquam ad Christi fidem, & humanitatem traducerentur, ut erant in primis immanes, & efferi, eruptio ne facta in Saxoniam, & Thuringiam circa annum Domini DCCCCVII. omnia flamma ferroque vastarunt. Ab illis igitur, vel certe contrâ illos, prodidere quidam arcem primo positam 11. à Paderborna milliario, ac restaurata inde à Friderico Arnsbergæ Comite, qui decessit è vivis anno Christi MCXIII. Venit postea in potestatem nobilium dynastiarum in Beuren, atque inde in ditionem Paderbornensem Antistitutum. Extructa est abs te, Princeps Illustrissime, forma triangulari, specie sane visenda atque magnifica. Quæ quidem aliaque ejusdem gene.

Gobelitus
stat. 6.
e. 57.

generis opera si commemorarem, nihil equidem dicere à laude Ecclesiastici Principis alienum. Nam etiam noster Magnus Carolus, cum epitaphium carmen, quod Romæ, hodieque in Vaticano visitur, scriberet Hadriano I. Pontif. Maxim. quem summa pietate coluit, hæc inter ejus laudes quoque numeravit:

*Doctrinis, opibus, muris erexerat arces,
Urbs caput, orbis bonos, inclyta Roma tuas.*

Sed magis semper es arbitratus ad te pertinere quæ ad animorum sempiternam salutem, & Orthodoxæ religio:nis incolumitatem spectarent. Eo igitur e vestigio curas cogitationesque contulisti. Neque id diu præteferre cunctatus es. Certe David Chytræus homo Lutherianus, tuam electionem enarrans sic ait: *Paderbornensi diaœci Theodoricus à Furstenberg gubernanda præpositus est, & Calendarium Gregorianum subditis statim obiit.* Studuit homo vafer, obtrudendi vocabulo, pulcherrimum factum in invidiam vocare, quam scilicet, Princeps Illustrissime, facile contemnis, quod auctoritatí Vicarii Christi, & Nicæni Concilii omnium sanctissimi parere, nihil habeat quod erubescendum videatur. Post hæc vero cum animadverteres, cursum religionis Catholicæ duabus potissimum rebus retardari, multitudine prava docentium, qui superioribus temporibus omnia ferme suggesta involarant, & inopia eruditorum sacerdotum, qui veritatem aduersus mendacia tuerentur, utrique medicinam adhibere aggressus, lolii fatores faceſſere, & res suas sibi habere jussisti. Diuturnioris aliquanto curæ & operæ fuit, idoneos rei Catholicæ administros, & doctores formare. Diu enim in hac urbe, ne quidem Grammaticæ ludi, satis ad rem Ecclesiæ erant comparati, donec Salentinus Coloniensis Elector, qui hanc Ecclesiā simul administrabat, annuis vectigalibus auctis, studia litterarum nonnihil erigeret. Extiterunt deinde illo decedente, ea tempora, ut Reverendum, & Nobile Cathedralium Canonicorum Collegium in litteris, qui-

*Exstat
apud Ba-
ron. tom.
9. Anno
CHRISTI
795.*

*In Chroni-
co Saxorio
anno 1583.*

bus anno MDLXXX. Kalendis Junii longiorem operam Patrum Societatis Jesu expedit, confirmet raro posse reperi, quorum satis constans, & certa sit de divinis rebus sententia, cum quilibet fere, quod commodum sit, creditat. Quæ res quoque eosdem sapientissimos Ecclesiæ nostræ proceres impulit, ut ludi administrationem omnem Societati Jesu postea committerent. Sed tibi nimur jam tum, Princeps Sapientissime, videbatur, nisi condita Academia, nunquam Ecclesiam in his terris eam doctorum hominum, quæ satis sit ad frangendos adversariorum impetus, facultatem habituram. Neque enim defuerunt viri graves, è quibus nonnemo etiamnum supereret, qui te audierunt, cum diceres ipsis principatus exordiis te confidere, tantum tibi vitæ atque opum datum iri divinitus, ut publicam artium maximarum officiam ponere in hac urbe licet. Ea res, quamvis id temporis ardua videretur, tamen fuit cui contemplatio magnitudinis animi tui, & spes utilitatis publicæ lachrymas cieret. Jam enim intelligebas, quod à Divo JOANNÉ CHRYSOSTOMO diserta, ut assolet, oratione, firmisque rationibus ostenditur, parum esse Christiano doctori, si vulgari quadam, & mediocri eruditione sit præditus, propterea quod incertum sit, quibus potissimum armis humani generis incautos sit aggressurus. Facit enim ille quod ii, qui urbem aliquam circumfident, ut ea parte præcipue faciat impressionem, qua paucioribus praediis munitam esse viderit. Itaque si parochus quis Ecclesiam regendam suscepit, qui, ut ceterorum non sit rudis, minus sit Græce, vel Hebraice doctus, confessim extimulat, qui voces in sacris litteris, aliter ac veritas habet, accipendas esse contendat: Si dialectices est ignarus, exfuseitat, qui argutis eum conclusiunculis impedit: Si historiæ veteris, & Ecclesiasticæ est imperitus, qui fictas fabulas, & contortas, ac difficiles temporum rationes objiciat. Denique quacumque in arte fuerit minus versatus, in ea si adversario latus præbuuisse videbitur, quamvis

*Liber 4. de
Sacerdot.*

vis ceteroqui sit excellenti, reconditaque doctrina, tam
men caussam dederit imperitis suspicandi, ideo quipiam
in Catholica doctrina verum non esse, quod à veritatis
doctore, non quicquid contra dici potest, diluatur. Id
si iis usu venire potest, qui sublimioribus disciplinis ex-
culti, minorum sunt expertes, quid illis fiet, qui inferio-
ribus leviter tincti, nullam partem graviorum attige-
runt? Magna igitur ratione, Princeps Illustrissime, in-
stituisti, cum provinciam accepisses refertam oppugna-
toribus Catholicæ religionis, vacuan prope iis qui pro-
dignitate ejus scita, ac decreta explicare possent; succe-
fori optime eruditis hominibus septam & vallatam relin-
quere, qui illam omni doctrinæ genere, adversus quod-
libet hostium genus propugnare, & tueri didicissent,

CAPUT IV.

*Illustrissimum Principem fundanda Academia paci, &
tranquillitati publicæ consultum ivisse.*

Quibus rebus perfecisti, ut & Episcopi, cuius est sibi
creditos homines erudire, & Principis, qui non sine
caussa gladium portat, præclare muneribus perfun-
ctus esse viderere. Tunc enim minus molestum est timore
pœnarum ad veritatem amplectendam cogi, cum non
defuerint, qui eam veritatem esse, quæ ostenditur; er-
rorem vero qui abjicijubetur, liquido docere possint. Ita-
que ubi & mens doctrina imbuitur, & voluntas potesta-
te compellitur, prona est obedientia. Obedientiam con-
sequitur pax illa; de qua alicubi Augustinus, cum dispu-
taret contra Gaudentium, qui nolebat Hæreticos, & Schis-
maticos Imperatoribus pœnas dare: *Regibus (inquit) ea*
Lib. 3. con-
tra Gau-
dentium
circa finem
que secundum Deum sunt religioso timore jubentibus quis-
quis obtemperat, timore incipiens, & dilectione profi-
ciens, à Domino accepit pacem, non sicut pacem dat sœcu-
lum. quoniam sœculum dat pacem propter temporalem
utilitatem: Dominus autem propter eternam salutem.
Verum, ut alibi docet idem sanctissimus Antistes: Utitur
etiam

n 2

*Lib. 19. de
civit. Dei
c. 17.*

Ibidem

etiam cœlestis civitas in hac sua peregrinatione pace terrena. Cujus civitatis procuratio cum Christiano Principi, præsertim Ecclesiastico, sit commissa, & ipse humarum voluntatum compositionem, quantum salva pietate ac religione conceditur, tuetur atque appetit, eamque terrenam pacem refert ad cœlestem pacem: quæ vere ita pax est, ut rationalis duntaxat creaturæ sola pax habenda atque dicenda sit, ordinatissima scilicet & concordissima societas fruendi Deo, & invicem in Deo. Igitur, ut equidem Augustini orationem audio, Christiano Principi præcipue propositum esse oportet, ut omnibus, quibus imperat, cum Deo atque inter se conveniat. Deinde hujus gratia, in iis quoque quæ ad hanc vitam degendam pertinent, pax est Reip. conclianda, atque tranquillitas. Hæc igitur, Princeps Illustrissime, cum tui officii esse duceres, quantum animo laboraris, ut omnis tui imperii regio, otio ac securitate frueretur, nemo est in earerum omnium tam rudis, ac peregrinus qui ignoret. Quantis enim curis, atque impensis egisti, ne ardente finitimis terris civili bello, idem populos tuos afflaret incendium? quam sedulo semper honestam cum vicinis Principibus adversus prædonum vim, ac rabiem, sociatem coire studuisti? quoties eorum ingentes copias, ne miserorum fortunas diripi, & corpora vexari patereris, pacto cum iis pretio, à finibus tuis arcuisti? quoties jam ingressos, & velut in hostili populantes omnia, atque vastantes immisis copiis tuis cecidisti? quanto metu provinciam universam eo die liberasti, cum tuis auspiciis tuorum militum virtute, volitantia in conspectu hujus Urbis prædonum agmina, ad Benhusium vicum justis ultius es armis? Quid? cum ad novam-Becam oppidum, equestres copiæ, ejus oppidi exitium, & vastitatem anhelantes, à tuis hominibus devictæ, hybernas nives suo sanguine cruentarunt? Quid ego ceteram tuam in omnes publicæ quietis perturbatores, auctoresque injuriarum justissimam severitatem commemorem? Itaque in ditio-

tionis tuæ terras aut tam valida manu veniant oportet, ut pugnam non pertimescant, aut certe velut quendam prædonum scopulum devitent. Sed in primis studio tibi semper fuit, ut Paderborna tuæ provinciæ caput, omni civili motu vacaret. Nam cum anno MDCII. mense Februario gravis senatum inter, & nonnullos cives exorta esset discordia, cum senatus à civibus Reip. male gestæ accenseretur: cives quod senatum in curia vi quasi in custodia tenuissent, indignisque modis affecissent, insimularentur, operam dedisti, ut omni vi, ac tumultu semoto, jure experiri mallent. Itaque vi. Kalend. Quint. ejusdem anni de tuo consilio viros, cum natalibus, tum juris scientia præstantes dedisti, qui caussam universam cognoscerent. Interea vero cum contestata jam lite is annus esset in exitu, novorumque comitiorum tempus appeteret, ac senatus quidem se in officio fore profitetur, cives autem illi, duce, atque signifero Liborio Wichardo, homine ad res novas moliendas acri, atque verfuto, neque ab armis discederent, neque ullum senatus insectandi finem facerent, sapienter vetuisti, ne quorum nomina ex utraque parte delata essent, eorum in comitiis ulla ratio haberetur. Ibi vero incertum fuit plusne tuis consiliis ad pacandam, an illi furore ad perturbandam rem publ. incumberent. Ubi enim dies comitiorum in eunte anno MDCIII. adfuit, ac de more in curiam viginti quatuor viri, penes quos jus erat renunciandi senatus, convenerunt, advolat cum armata suarum partium multitudine Liborius, atque intentato, iis qui confederant, terrore, neminem, nisi ex suo suorumque voluntate, in senatum allegi sinit, & cui quemque magistratum mandari oporteat, ipse nominatim edicit. Verum non diu Liboriani hujus quoque, quem pro sua libidine creaverant, senatus injuriis temperarunt. Necdum enim eo mense elapo XVII. Kalend. Februarias is ipse senatus, supplici dato libello, graviter de iis est questus. Sed non defuit ei, qui illos contramorem, & instituta majorum eligendos

dos curarat, quemadmodum eadem miseros importunitate frangeret ac domaret. Ut enim sibi jam pridem homines factiosos, audaces, egenos, ex ultima plebe devinxerat, omni artificio allaborabat, ut hos omnibus in rebus dicto audientes haberet. Illi simul atque signum datum erat, cum telis veniebant in curiam: illi quæcumque ipse vellet assensu suo, & incondita vociferatione comprobabant: illi, si quis contra hiscere esset ausus, ad suum scilicet Catilinam deferebant, quos ille contumeliis, minis, atque interdum colaphis, & adacto cultro vel secum facere, vel certe obmutescere cogebat. Ita deterrium quemque sponte; qui plus aliquanto videbant, metu ad suas partes adjunxerat. Ad hæc, ut omnia, vel invito senatu, pro arbitrio gereret, novum viginti quinque vi rum consilium, è suo illo grege, contra civitatis leges & jura creaverat, quorum opera assequebatur, ut quæcumque ipsi placuissent, populus vellet juberetque. Neque deerat homini, quamvis litterarum ignaro, popularis facundia, qua in concionibus, quas frequentes ad suos habebat, utebatur, ut eum sui de cœlo delapsum hominem quandoque, ne ipso quidem dissentiente, clamarent. Hunc perturbatum civitatis tuæ statum, Princeps, cum diutius ferre non posses, optaresque cives tuos, qui postremorum hominum dominatu premebantur, in libertatem vendicare, principio vi. Kalendas Jun. ejusdem anni MDCIII. Senatum ac populum jussisti illos viginti quinque viros, quos contraleges, & vetera pacta, ad alendum improborum civium furorem, crearant, omni illa potestate privare. At illi scilicet annitentibus Liborianis, non potestatem eis ademerunt, sed nomen duntaxat commutarunt, ut qui antea viginti quinque viri, iidem postea delecti è populo dicerentur. Quid erat sui Principis auctoritatem ludos facere, si id non erat? Neque tamen, ut eras accenso infelices adjuvandi studio, spem curamque abjecisti. Animadverteras è classibus in quas tota civitas est tributa, nonnullam integrum esse totius
hujus

hujus perduellionis, & ex aliquot aliis complures, quos
duntaxat cæterorum metus mutos effecerat. Spem igi-
tur eras ingressus, hos, quibus aliquid reliquum erat fa-
næ mentis, ad divellendos sese, atque abrumpendos pe-
nitus ab omni facinorosorum societate posse impelli, si
modo seorsim singulas classes alloqui, & sui officii admo-
nere licuisset. Atque edixeras quidem, ut pridie idus
Decembres ejusdem anni classes omnes civium, urbe
egressæ suo quælibet certo loco mandata sui Principis ac-
ciperent. Senserunt Liboriani quid ageretur, & disse-
minato rumore evocatos à Principe adversus cives, ex ea
provinciæ parte, quæ trans montes dicitur, homines ar-
matos, qui civibus audiendo Principis mandato occu-
patis, urbem invaderent, non modo effecerunt ne quis-
quam prodiret, sed etiam administro, quem ad eos alle-
garas, præcisæ negarunt, se, qui in eadem cauſſa effent,
posse disjungi. Quæ quidem à Liborianis, notis illis cla-
moribus ja&tabantur, cæteris interea, ut solebant, timore
conticentibus. Addeabantur in te, Princeps Illustrissime,
dicta acerba, & minæ: ac ne cui civium liceret ad arcem
tuam commeare, quatuor ipsos dies portæ omnes civi-
tatis clausæ, & custodiis septæ tenebantur. His cognitis,
cum inter omnes constaret horum omnium malorum o-
pificem, atque architectum esse Liborium, ratus eo ab-
stracto cæteros ad frugem posse corrigi, missis ad cœno-
bium Abdinckhoffense gravissimis è tuo consilio viris, eo
accito cum veteri, tum novo senatu, illum vel noxæ de-
di, vel dum in judicio objec̄ta sibi crimina dilueret, ab ipsis
haberi in custodia jussisti. Senatus cum in tam æquis
postulatis, Principi reluctari non posset, effetque ipse à Li-
boriana faſtione creatus consul non obscure homini ira-
tior, tamen arctiorem custodiam, & vincula deprecati,
censuerunt, satis fore si in curia tantisper attineretur. Vo-
catus ille in curiam primum tergiversari, deinde cum ite-
rarentur mandata, aperto capite illudere, & minas de
more jacere. ad extremum cum senatus, ut saltem in spe-
ciem

ciem mandata , quæ acceperat , exhausisse videretur , missis apparitoribus hominem ut imperata ficeret , vellet cogere ; ille cum domum suam armatis hominibus cinxisset , ac præter minora tela etiam ex ipsis urbis mœnibus adiecta aliquot minora curulia tormenta , pro fenestris suis collocasset , non dubitavit in ministros Reipubl. explodere . Sed hoc quamvis indignum facinus inusitata quadam audacia , atque impudentia haud multo post cumulavit . Habebatur forte senatus , cum Liborius cum frequenti suorum manu , quorum singuli telis erant accincti sub pallio , in medium confessum venit . Praefatus , liquere sibi jam illud esse , quando consociari totius animos civitatis , & coalescere oporteat , orat senatum ut jam tandem aliquando decernat , velit necne suis , ac suorum conflictis parere . Cum senatus cunctaretur , Liborius cum suis procumbit in genua , ac suos quidem juber tertium orationem dominicam pronunciare , senatum vero interea statuere , quid sibi faciendum putet . Et jam belli isti precatores , reductis palliis , tela ostentabant , quibus , nisi mos eis esset gestus , in senatorum cæde bacchari certum erat . Quid quæris ? Senatus tam præsenti periculo perterrefactus obsignatis tabulis confirmat , se in omnibus , quæ ad Liborium , ejusque partes pertinenter , cum ipso esse facturos . Has tabulas cum accepisset Liborius reverenter exosculatus , gratiis actis , ac decem thaleris in vinum senatui , nomine populi donatis , ita discessit ut qui præclare sibi rem gessisse videretur . Ex eo tempore in pejus omnia ruere cœperunt , eoque res evasit , ut Januario anni MDCIV . senatu ex Liborianis creato , ipse Liborius consul renunciaretur . Quid in eo consulatu ab improbis hominibus , Princeps Illustrissime , non pertulisti ? Antiquissima paœta , Principumque constitutiones violatae : ademptum tibi per summam injuriā supremum in urbe rerum criminalium arbitrium ; cives , qui aliquid contra consulis audaciam mutire essent ausi , inusitatis suppliciis vexati ; interdictum severe omni-

omnibus ne ad te appellare , aut confugere auderent: conducti novi tribuni , signiferi , aliqui rei bellicæ ad- ministri: tormenta pro mœnibus posita , ut , quod dicere solebat Liborius , tibi Principi suo , vel ad mensam ac- cumbenti negotium faceſſerent. Quid quod; non eru- buit primariæ Ecclesiæ nobilissimo Canonicorum Colle- gio denunciare , ut alium sibi Antistitem providerent. Nonne eosdem Canonicos , cæterosque omnes Ecclesi- asticos , ac religiosos homines , etiam cum nihil urbi im- penderet aduersi , publico edito ad tympani sonitum , proposita fortunarum , ac vitæ jactura , arma sumere , & in excubiis militari more agitare compulit? Nonne eos- dem omnes , atque adeo tuos quoque , Princeps Illustris- fime , consiliarios , & qui Reip. cauſa ad provincialem conventum cum mandatis mittebantur , ipsum quoque totius provinciæ quaestorem , pedem ex urbe efferre suo injuſſu vetuit? Ac sperabas quidem ordinum totius pro- vinciæ auctoritatem , qui v. Non. Mart. in conventu Dringebergensi adſuerant , aliquod apud eos pondus ha- bituram , qui per idoneos homines , Paderbornenses et- iam atque etiam admonuerant , viderent , ne quod eorum gratia tota provincia detrimentum caperet. At illi pa- rum ab eis pacati retulerunt , neque obſcure cognoverunt deliberatum illis esse , & protectorem ſibi aſciscere , & cæ- tera quoque hujus provinciæ oppida , ſi fieri poſſet , in ſo- cietatem perduellionis attrahere. Interea iphis auctori- bus rumor incessit , fore ut urbs obſidione premeretur , quem eo conſilio ſerebant , ut Ecclesiasticos in urbe reti- nerent. Itaque circa idem tempus , non eſt veritus Libo- rius primariæ , & Cathedralis Ecclesiæ Canonicis mina- ri , ſi urbe excessiſſent , nullam maximi templi partem in- tegrā eſſe mansuram. Nimirum jam omnia in urbe poterat , cuius crudelitatem multi jam Ecclesiastici , multi cives ut vitarent , ex urbe ſe eduxerant. cæteri in perpe- tua formidine versabantur. Etenim cum ipſe clandeſti- nis habendis cœtibus omnia ferme perfecifſet , tamen af-

o

ſecu-

secutus summum inter cives imperium, adeo non ferebat eos coire, ut nullus paullo melior civis alium convenire posset, quin si ad Liborium à suæ factionis hominibus, quos in hæc talia perquam intentos habebat, ejus nomen esset delatum, compedes, gravesque pœnas pertimesceret. Circa idem tempus vulgato jam illo, de quo dixi, rumore, quatuor-viri delecti, qui arma & præsidia Liborianæ dominationis curarent, unusque ex iis missus, qui pecuniam, copiasque contraheret. Hæc circa Pascha anni MDCIV. gerebantur, quo tempore prope jam sepulta erat, Princeps Illustrissime, tuæ salutis civitatis, nisi eam admirabili tua providentia, ac celeritate excitasses. Quam ad rem adjumento in primis fuit ille cum regii sanguinis splendore, tum bellicæ virtutis gloria Illustrissimus Joannes Frisiæ Orientalis, & Ritterbergæ Comes, Esenæ, Stedesdorpi, & Guitmundæ Dominus, in quem vere cadit illud S. Augustini de Bonifacio Comite, eum de virtute militari servire fidei, quam habet in Christo. Tametsi enim tota hæc, quam adhuc descripsimus, sedatio, non religionis caussa præcipue erat exorta, quia tamen ejus auctores omnes Catholicam religionem execrabantur, jamque decreverant, nullum præterea Catholicum in senatum legi oportere, certum est eos suis illis, quæ commemoravimus, sceleribus eo intendisse, ut si res procederet, Catholica Religio his locis funditus interiret. Hoc cum vir sapientissimus intelligeret facile colligendarum copiarum, & seditionis opprimenda provinciam suscepit. Itaque tametsi febri laboraret, quia tamen omnis mora perniciem potuisse afferre, silentio noctis profectus, ix. Kalend. Maii apposita suis ipse manibus pulveraria machina, nitus est, intimam urbis portam disturbare (nam duas jam & pensiles crates nullo negotio dejecerat:) sed cum ejus impetu effractis tantum aliquot afferibns, non esset aditus patefactus, excitatique Liboriani, aliquot è militari turba, de mœnibus glandibus plumbeis trajecissent, ingenti animi constan-

tia

tia Comes, cum jam febris accessione conflictaretur, contempto manifesto vitæ periculo, suos à fuga retraxit. Hac ejus constantia, erecti bonorum civium animi, qui ad id loci Liborii oppressi dominatu, tacuerant, ac divisa in factiones civitate, inducæ tandem & commeatus, ad te illustrissimum Principem, est postulatus. Interea majora tormenta advehijussa, & ad acriorem obsidionem apparatus fieri, cuius metu ad extremum vi. Kalend. Maii urbs, nullius effuso civis sanguine, est dedita, ipseque perduellionis auctor, à civibus hominis immanitatem detestantibus, Victori traditus. Non possum hoc loco committere quin impudentia quorundam mendacia commorem, quorum gratia hæc ipsa, ex actis publicis, paullo pluribus sum persecutus. Etenim cum is, de quo adhuc locuti sumus, Liborius Wichardus in carcere vindictus teneretur, ac Lutheriani prædicantes, qui templum forense S. Pancratii antea tenuerant, fuga essent elapsi, ipsius rogatu quidam Cathedralis Ecclesiæ Vicarius, & e Societate Jesu P. Fridericus Wachtendunkius hominem adiit. Hujus colloquiis permotus, tandem ad Catholicam Ecclesiam se contulit, Catholico ritu sua peccata confessus, & sacra Eucharistia munitus est, ac non modo pro tribunali, cum jam lata sententia damnatus esset, verum etiam cum jam inibi esset, ut ultimum supplicium lueret, Catholicam fidem quam esset amplexus, usque ad ultimum spiritum retinere velle professus est. Hac ejus vulgata conversione irritati Prædicantes, eam apud rude vulgus incredibilibus mendaciis obscurare conati sunt. Edidit enim contra P. Friderici de hac re commentarium, quædam nugamenta, Joannes Nigrinus, ad D. Thomæ Susati prædicans, quibus pro vestibulo apposuit Philippi Nicolai præfationem. Ea præfatione ex Gangulphi Hergundi, ut ait, libris quatuor de rebus Paderbornensis hæc narrantur, ex quibus quam sit hoc hominum genus ingeniosum ad comminiscenda mendacia quivis intelligat. Primo igitur v. Kalend. Maii narrat detruso in

carcerem, ac de pede suspenso, papillas abscissas, ac fervens oleum vulneribus, naribus vero liquoris, è fæcum halitu, ardore ignis expressi, quem Germani vinum ardens, sive adustum, Itali aquam vitæ appellant, tres ampullas infusas. Atqui ex actis publicis certum est, Liborium consuetas quoque quæstiones deprecatum, omnia crimina fassum esse. Deinde refert Prædicans, Pridie Kalendas Maii, cum se Liborius in judicio, magno animo defenderet, abs te, Princps Illustrissime, per duos ministros jussum esse sine judicio, aut sententia evestigio foras ad supplicium rapi. Atqui constat Liborium via & ordine, uti jura Cæsarea præcipiunt, interrogatum, auditum, omnia palam fassum, ac denique damnatum, supplicem factum, ut humari posset. Id quod plurimorum, qui judicio interfuerunt, testimonii compertum est, sicut & illud quod de professione Catholicæ fidei ante narravimus. Atqui Prædicans facit eum, cum duceretur, atque e duobus Jesuitis sollicitaretur, respondentem, non sentire se cum eis, fidem se habere, quam nemo sit erupturus. Addit illud quoque, Liborium cum sibi ultro ad supplicium vestes detraxisset, ad te, Princeps Illustrissime, conversum, sic locutum esse: Adsdum Episcope THEODORE, & pota largiter sanguinem meum, quem tamdiu sitisti. Nimirum Lutherianum magis hæc oratio decebat, quam salutatio Angelica, quam qui supplicio interfuerunt, pie pronunciatam à Liborio, magno consensu testantur, atque etiam ad implorationem Dei matris adjunctum: Sancti Angeli, & omnes electi Dei orate pro me. Sed Prædicantibus, majus flagitium est precari Sanctos, quam calumniari Principes. Quæritur postremo prædicans de mortuo hec vulgari, qui de senihil testari possit. At testari possunt tot viri honestissimi qui interfuerunt, & postremas morientis voces acceperunt. Scilicet unum hoc istis hominibus curæ est, ut rudem populum quibuscumque artibus sibi devinctum teneant: quid prudentes sentiant, nec flocci faciunt, qui facile intelli-

telligunt, eis, qui audeant mentiri populo, hominem palam, audiente populo salutationem Angelicam pronuntiantem, maledixisse suo Principi; eisdem non deesse artes, quibus infelici plebeculae persuadeant sacras litteras aliquid dicere, quod Spiritui Sancto nunquam in mentem venerit. Certe id unum suo illo libro egit Nigrinus, neque tamen eo contentus, cum metueret, ne parum esset in Bibliis præsidii, opem quoque à famosis libellis accersit. Prædicantibus enim pluris est Pasquillus, quam S. Jacobus Apostolus. Itaque si quid è S. Jacobo eis objicias, in promptu est illud Lutherianum: Non est in canone: fin *Nigrinus*
p. 174.

autem è famoso libello mentiaris Henricum Jesuitam Antverpiæ MDCI. XII. Aprilis publice exustum, nefandi flagitii pœnas dedisse, id nimirum perinde atque Evangelium credi oportet, tametsi Senatus Antverpiensis ob-signatis, & palam editis litteris, adeoque tota civitas testetur, nullum unquam Jesuitam Antverpiæ reum aëtum esse, nullum supplicium luisse. Sed quid ego hujus diei candorem atque lætitiam Nigrini mentione infuso? Ad te redeo, Princeps Illustrissime, quem dicere institueram, condenda Academia, paci & tranquillitati publicæ consuluisse. Docuerant enim te civiles hæ turbæ, eos qui rebus novis studeant, hominibus fere rerum omnium ignarisi uti, quod ii fere impetu quodam animi, & furore ad deteriora rapiantur. Qui vero docti sunt, præterquam quod liquidius res omnes intelligent, longeque quid ex quaue oriri possit incommodi prospiciant, tum vero certissimum est, quod ab Angellio scriptum est, qui bonas artes sinceriter cupiunt, appetuntque, eos esse vel maxime humanissimos. Itaque Liborius noster hominum legendi, scribendi rudium opera plurimum utebatur, quem compertum est palam in suis illis cœtibus concionantem, veteres quasdam litteras, quas nescio quid ad dignitatem, & libertatem civitatis pertinere diceret, palam plebi recitasse, ac subinde gratulatum esse, ea tempora obtigisse huic urbi, ut non minus litterarum imperiti,

o 3

Noct. Att.
lib. 13.
c. 15.

riti, ac Doctores intelligerent. Tum vero nominatim quempiam percunctabatur omnium abjectissimum, ec-
quid hæc intelligeret? cui ille, tametsi postea apud alios,
si seorsim interrogaretur, se nihil intellexisse fateretur,
tamen in illo conventu annuebat. Ita homines ignaros
assuefaciebat, ut quicquid ipse protulisset, licet cujusmodi
esset ignorantem, tamen continuo sua acclamatione com-
probarent. Qui vero erant eruditii, quia numero vin-
cebantur, ne alios sui erroris admonerent, vulgaris furo-
ris formido retardabat. Quare, si unquam alias, eo tem-
pore cognitum est, ex usu esse Reip. ut abundet hominibus
doctis, atque intelligentibus, ut inscia plebs, eorum & do-
ctrina informetur, ne erret, & multitudine reprimatur,
ne insaniat. Faciunt vero ad id plurimum ea gymnia
quæ intelligendi vim, ac prudentiam plurimum exacuant
atque adolescentum animos quam longissime a temerario
& furioso vivendi more, ad rationis leges & instituta tra-
ducunt. Deinde quæ cum honestissimis litteris, veræ re-
ligionis, & sanctimoniae curam, quam arctissime copu-
lant. Ubi enim sunt de religione lites, atque dissidia, diu-
turna pax esse non potest. Ac ne quidem ubi falsa aliqua
disciplina, vera religione abjecta, sola retinetur. Propri-
um enim est falsæ doctrinæ, ut constare sibi non possit, ne-
que leviores solent esse errorum inter se, quam cum veri-
tate conflictus. Qua igitur in urbe omnes idem inter se,
& cum i's, qui toto orbe, omnibus ætatibus pietate flo-
ruerunt, de divinis rebus sentunt, habetque magnam eru-
ditorum hominum facultatem, eam certum est præstanti-
bus conservandæ publicæ quietis, & colendæ concordiæ
adjumentis abundare. Iccirco Liborius noster, quo tempo-
re maxime perturbandæ atque pervertendæ civitati erat
intentus, severo edicto vetuit, ne quis adolescens, qui ad
Collegium Societatis Jesu, discendi caussa, itaret, cujus
quam civis hospitio uteretur, neve cives eo liberos suos
mitterent, qui contra fecisset, is quinquaginta taleris mul-
taretur, Nimirum ingens erat inter illa quæ rudi plebecu-
læ,

læ, in seditionis illis conventibus venditabat, & hæc, quæ in Catholicis, & bene institutis gymnaſiis juventuti præcipiuntur, intervallum. Ibi enim popularis licentia, effrenata peccandi impunitas, & rerum omnium perturbatio quærebatur. Hic Dei timor: magistratum veneratio atque observantia: modestia, & pacis amor, teneris mentibus infertur. Sed non providebat infelix, quod adolescentes ipsius minis, atque editionibus prohibiti, in scholis à magistris non didicissent, id è tristi ejus exitu, & justissimo supplicio esse cognituros. Quando enim liquidius demonstrata est furiosarum ejus concionum vanitas, quam cum stans ad infamem columnam, omnia sui consulatus probra objectantibus, os præbebat: cum clausi mœnibus, & fine sua tessera portis egredi yetiti Ecclesiastici: cum excruciatu hiberno cœlo, gravissimo gelu cives: cum mulier quæ uterum ferebat, in publico, ubi ad ludibrium vulgi erat exposita, abortire coacta jactabatur? Quid? ipsum ejus supplicium nonne coniunctum fuit cum evidenti testificatione divinæ de his rebus voluntatis? Etenim Liborius, qui, ut demonstravi, Prætore, quem à Principe creari mos est, excluso, summam sibi in puniendis delictis potestatem arrogabat, vii. Kalend. Mart. anni M D C I V. inopem civem Paderbornensem Jodocum Dulmanium, miserrime & obsecnissime tortum, præcipiti sententia, de infelici ligno, quod nuper ipse posuerat, suspendit. Altero post mense, pridie Kalend. Maii, cum Liborius meritas poenas daret, hic ipse suspendiosus, manare pallam ubertim ex ore, naribus, manibus, pedibus, oculis recentem sanguinem, ipsum sesquidiem, clare à tota multitudine est visus. Accessit quoque ad spectaculum Illustris Frisiæ & Ridbergæ Comes, tantæ rei gravissimus testis, tuque ipse, Princeps Illustrissime, adhibito tabellione, & idoneis testibus, rem publicis tabulis mandari jussisti. Quæ res documento sit omnibus, ne adversus magistratus legitimos, & Principes, temerariam plebem commoveant: ne alieni sanguinis sint appetentes: ut suo dolori & insolenti

lenti vindictæ cupiditati, frenos injiciant: ut homines, se meminerint, inter homines versari. Sed nimis Principeps Sapientissime, grave tibi & luctuosum visum est, hoc, è tam tristibus, & cruentis exemplis, tardum nimis descendigenuis. Mavis jam inde à prima pueritia sic informari cives tuos, ut Deo, Rationi, Magistratibus, Legibus, Parentibus morigerari, comprimere appetitiones, domare iracundiam, omnibus se virtutibus & bonis artibus ad Reip. salutem, commoditatemque exornare consuescant.

CAPUT V.

*Illustriſſimum Principem, in Academia instituenda,
Ecclesiasticorum, & Religiosorum hominum commo-
dum & dignitatem spectasse.*

PRÆCIPUUM vero tibi, Princeps Illustrissime, studium ſemper fuit, ne ea pars gregis Christi, quæ eximiam quandam vitæ sanctimoniam profitetur, nullis, quæ quidem cum ſuo more & Instituto congruerent, commodis, vel ornamentis careret. Quoniam vero omnes Ecclesiastici ordinis viri, in eo præcipuam quandam ſunt gloriam adepti divinitus, quod divinam illam mensam, in qua agnus Dei qui tollit peccata mundi, ſitus eſt, circumſtant, atque, ut alicubi loquitur D. Gregorius Nazianzenus, appropinquant ad appropinquantem Deum, propter ea magnis largitionibus & impensis, eos ad dignitatem tanti sacramenti complectendam, animo & digna pie- tate colendam, excitare ſtuduisti. Itaq; constituto annuo veſtigali in primis lauto & magnifico, ſolennem ejus pompam, quæ post pentecosten quotannis instituitur, celebriorem auguſtioremque redidisti. Neque eo con tentus, nullum prætermisisti in tota tua diceceſi cœnobium, quod non perpetuis veſtigalibus auxeris, eo pacto, ut quoniam à plerisque hac tempeſtate, non, quanti par eſt, fieret illa vi¢tima ſancta, qua deletum eſt chirographum, quod erat contrarium nobis, ipliſ curæ eſſet certis eam, statis-

*Orat. ad
150. episcop.*

statisque honoribus prosequi. Nullus porro honor videtur tantum Sacramentum perinde decere, atque ipsorum Ecclesiasticorum, qui ejus administrationi sunt consecrati, morum integritas, atque scientia. Si enim recte & ordine fit in Ecclesia, quod sine lumine nunquam Eucharistia deferatur, ut nempe profiteamur in ea vere esse præsentem eum, qui à sapiente dicitur, *candor lucis æternæ*, ut ait Honorius III. quanto magis elaborandum est, ne qui eam conficiunt, aut certe conficientibus ministrant, Sapientia, de qua ibi est sermo, vacent? Nam ut ibidem legimus, *Neminem diligit Deus, nisi eum qui cum Sapientia inhabitat.* Est enim pretiosior sole. Qui locus aliquanto est in Græco illustrior, ubi legimus τὸν φίλον οὐρανῶν, id est, qui cum sapientia, velut conjugi, habitat. Licet autem nemo justus, quamvis litterarum rudis, sapientiae sit expers, docet tamen Apostolus, quis sit ille, qui ardentiore quodam amore diligit Sapientiam. nempe: *Qui sine uxore est, solicitus est, quæ Domini sunt, quomodo placeat Deo.* Quantum enim cæteri otii in obsequio feminæ, in educatione liberorum, in procuratione rei familiaris consumunt, tantum ei suppeditat ad serviendum præcepto Apostoli: *Attende tibi ipfi, & doctrinæ.* Quemadmodum enim lumen & in se purum quiddam atque præclarum est, & natura sua factum ad alia quoque illustranda: ita hominem Ecclesiasticum, quem Christus Dominus lucem mundi non dubitavit appellare, decet non modo omni erroris, aut flagitii nota carere, sed etiam vitæ innocentis exemplis, & præstantis scientiæ luce, cæteris omnibus viam ad Sapientiam ostendere. Igitur qui sic comparatus est, is demum est, qui sapientiam sole longe clariorem, quasi quibusdam sempiternis nuptiis sponsam, atque devinctam habet. Ejusmodi si omnes essent, qui altaria Christianæ Ecclesiæ circumstant, ejusque opibus aluntur, quis superiorum temporum felicitatem desideraret? Quid enim tot homines tenebrarum, & errorum non discuterent, si cum æternæ sapientiæ luce perinde atque sponsa essent

P

*Sapient. 7**v. 26.**Can. Sane**cum olim**de celeb.**Miss.**Ibid.**vers. 28.**I. Cor. c. 7.**v. 32.**I. Tim. 4**Matth. 5.*

essent copulati? quis talibus ducibus non omni celeritate ad veritatis arcem convolaret? quistam abhorrens ab omni studio virtutis, qui non se ipse retexeret? Taliū hominum copiam ut haberent majores nostri, sedulo curabant, ut qui ad tam excellens degendae vitæ genus à Deo vocarentur, ii omnibus, quæ cum eo non discrepant, liberalibus artibus expolirentur. Audi enim, Princeps Illustrissime, quid præcipiat Concilium Aquisgranense, sub Ludovico pio Cæfare, in quo Canonis vivendi regula è sanctorum Patrum monumentis est proposita, quæ regula cum in aliis Ecclesiis Germaniae aliquot secula, tum in Paderbornensi usque ad Bernardum IV. ejus nominis Antistitem, id est, usque ad annum MCCXXVIII. viguit. In ea igitur cap. cxxiii. sic habetur:

Religiosissime ordinem canonicum servent, & Prelatis suis, ac Magistris honorem debitum humiliter impendant: ut horis canonice divinum officium devotissime expleant: intus forisque non solum habitu, & actu, sed etiam ipso incessu irreprobenbiles existant; ut non otio vacent, non vaniloquio inserviant, non detractionibus, & cæteris vitiiorum illecebris incumbant, sed potius aut orationi, aut lectioni, aut quibuslibet Ecclesiæ, aut certe propriis utilitatibus vacent, aut etiam doctrinis sanis, & diversarum artium erudiantur disciplinis, ita videlicet, ut nullus in congregatione inutilis aut otiosus existens, stipendia Ecclesiæ inofficiose accipiat: ut quotidie ad cołationem veniant, ubi & hanc institutionem, & aliarum scripturarum sanctorum lectiones perlegant.

De cœnobiis vero, quis ignorat ea fuisse, quod de Corbeia nostra nominatim legimus, diversoria, & habitacula doctorum & piorum lib. I. de virorum? qui, ut loquitur D. Augustinus, contemptis ac morib. Ecc. desertis mundi hujus illecebris, in communem vitam castissimam sanctissimamque congregati, simul etatem agebant, viventes in orationibus, in lectionibus, in disputationibus: nulla superbia tumidi, nulla pervicacia turbulenti, nulla invidentia lividi: sed modesti, verecundi, pacati

cati concordissimam vitam, & intentissimam in Deum. grā-
tissimum ipſi munus offerebat, à quo iſta posse meruerant. At
noſtra tempeſtate, poſtquam Eccleſiaſticorum hominum
ad alia traductis animis, illæ laudabiles Pietatis & Doctrinæ
exercitationes obſoleverunt, nihil eſt quod miremūr,
tantam vitiorum colluviem in Eccleſia Dei extitiffe. Ubi
nunc veteres illi Religionis vindices, & fatores? ubi ſacri
oratores? Ubi diuinarum litterarum periti? Ubi illi
cæleſti quadam caritate præditi Antiftites? Sed quid
hæc ſublimiora commemoro? quis non totum ſe
fluxis commodis? quis non nefariis voluptatibus de-
dit? Quid cauſſæ eſſe existimamus? num eam, quam
imperite & ſtulte blaterant non minus perfectæ sanctita-
tis, quam ſalutaris doctrinæ adverſarii prædicantes?
Clamant illi obſervari non poſſe cælibatum: plus imponi
Eccleſiaſticis viris, quam eorum humeri ferre poſſint.
Non eſte a profeſto, non eſt. Si enim D. Auguſtini tem-
poribus, quando, ut ipſe narrat plerumque ad continen-
tiæ clericorum ſarcinam ſubeundam capiebantur inviti,
eam fuſceptam uſque ad debitum finem, Domino adju-
vante, perducebant; cur desperent, qui ſponte hoc vi-
tae genus delegerunt, idem ſibi proclive fore, ſi eandem,
quam viri illi ſancti, viam iuſtant? Da mihi hominem à
prima pueritia pietatis officiis, & eruditioне omni excul-
tum, cui dulce ſit inhærere contemplationi veritatis,
eamque cum in rerum naturalium ſcientia, tum in divi-
niore, & de cœlo delapſa, omnibus veſtigiis indaget, ac de-
nique eam cognitionem, non ad quaestum auram ve po-
pularem, ſed ad unius Dei Immortalis inflammandum
cum in ſuo, tum in ceterorum mortalium pectoribus
amorem conferat: nego huic homini otium futurum ad
ea cogitanda, ſine quibus hi mortalium infeliciſſimi ſe vi-
vere poſſe diſfidunt. Jam vero, quoniam aliud morta-
les in noſtrorum temporum moribus intuentur, ni-
rium ſupra fidem eis uidentur, quæ de majorum noſtro-
rum incredibili ſanctitate memorantur. Poſtquam ve-

Lib. 2. de
adult. con-
jugiis c. 20.

ro hæc exempla desierunt, religionis quoque ipsius auctoritas, quæ plurimum apud rudes animas illis sustinebatur, in dubium vocari, aut certe non tanti æstimari cœpta est. Ideo vir doctissimus, atque optime de re Catholica meritus Fredericus Staphylus Osnabrugensis, negat, præter rectam juventutis institutionem, aliam supereesse, exortas de religione lites sedandi, viam. Adjungam ejus verba, quod die natali primæ in Westphalia Academiæ, hominis Westphali, tanta gloria in Academia Ingolstadiensi nostro sæculo versati non meminisse, nefas propemodum esse videatur. Isigitur in epistola, qua Marci Anachoretæ aureos libellos, e Græco ab se in Latinum conversos, inscribit, & dedicat Petro Canisio Societatis Jesu celebri Theologo, postquam est questus cæteris in artibus non nisi peritorum judicia requiri, in rebus divinis indoctissimum quemque, quod commodum sit, sequi: ad extreum hæc addit. *Unicum fuit olim, & satis efficax his malis remedium, auctoritas conciliorum: quæ quandam pietate sacerdotum apud omnes sacrosancta habebatur, jam propter peccata nostra labefacta est, bellisque in dies magis vilescit, peneque deletur apud universos. Soli sibi ferme est in puerilibus scholis, ut seminarium Ecclesiæ, quod in senibus jam emarcuit, in pueris resuscitur.* Hoc adeo consilio, Princeps Illustrissime, non modo jam olim pueriles scholas, verum etiam hanc Academiam tuis opibus condidisti, quam iccirco iis solis disciplinis consecrari voluisti, quæ canonicis institutis Ecclesiastico homini sunt permisæ. Notum enim est iis juris civilis, & Medicinæ tractationem interdici. Fuit scilicet tibi curæ ea studia excitare, ad quæ colenda, refrigerante indies cælesti caritate, omnibusque quæstum, & popularem auram spectantibus, pauci spondeant te appellunt animum.

CA-

CAPUT VI.

Proprie dictam Academiam sine Jurisprudencia esse posse.

VErum, Illustrissime Princeps, hic ego, quod pace fiat tua, cogor nonnullis rerum imperitis respondere, qui, cum audiunt, necdum tradi in Academia tua Jurisprudentiam, opinantur aliquid ei ad Universitatis nomen deesse. Eos ego non meis, sed hominum juris peritorum verbis hunc errorem dedocebo. Igitur Jacobus Middendorpius Westphalus, Theologiae & Juris Scientia clarus, libro, quem de Academiis edidit, cum nomina investiret, quibus recte haec nostra publica gymnasia afficiantur, principio recte eis docet Academiae nomen tribui, ac deinde ingressus sermonem de nomine Universitatis: Recentiorum, inquit, quidam scholas publicas, quod "auctoritate publica, sive quod idem fere est, publice instituuntur, quidam Universitates appellare malunt" Non tam quod omnes liberales artes in eis doceantur, "multae enim ad certarum tantum disciplinarum professionem eriguntur) sed quia Professoribus & Studiosis literarum collegium, atque Universitatem habere licet, "quod alioqui jure prohibitum est. Petrus item Tolosanus doctissimus Jurisconsultus, libro xviii. de Rep. cap.vi.

Sunt, inquit, arbitraria Principibus Ecclesiasticis & secularibus ut loca, in quibus velint scholas privilegiatas constitui, ita & quas ibi velint tradiscientias, sive omnes, sive certas. Quamvis enim omnes habeant commune vinculum, & constituant Encyclopediam, non tamen sequitur debere in uno eodemque loco simul tractari vel doceri. Posunt enim in diversis disci & doceri. Neque ideo minus Universitas privilegiata in Gallia, aut alibi dicetur, si modo privilegia concessa sint, quia ibi omnes artes vel studia omnia non tradantur. Sunt enim Scholastici & Doctores qui faciunt universitatem, & non diversitas scientiarum. Possunt adjungi semper scientiarum di-

*Vide copia
ofe Rebus.
de tract.
nomin. q.
6.n.13. &
in statutis
mus 2. ad
verbum
Universi-
tatis. de
collat. in
concord.*

versarum professores, jam introductis professionibus, ut iisdem potiantur privilegiis, quibus jam fundatae, non secus quam nova studia aliis locis cum iisdem privilegiis, quibus jam potiuntur antiquae Academie. Sunt quippe hæc juris positivi, quæ mutari & augeri vel tolli possunt arbitrio eorum, qui potestatum habent, maxime nova oratione justa causa. Quemadmodum Theodosius & Valentianus professoribus artium liberalium privilegiatis, qui in civitate Romana & Constantinopolitana docebant, addiderunt professores Philosophiae, & legum doctores, & Clemens V. consilium ve Viennense, aliis addiderunt professores linguaram Arabicæ, Grece, & Chaldaicæ. Denique quoties à Pontificibus, & Conciliis Parisiense gymnasium Universitas dicitur? & tamen audi quid de ea narret Bartholomæus Cassanæus in Cathalogo Gloriæ

Part. 10. mundi: Apud nos, inquit, tenetur pro prima, & principaliori totius Gallæ universitate, quoad Philosophiam, Theologiam, Medicinam, & ceteras artes, sed non quo ad leges. Quoniam in ea non docentur leges, nec jura civilia, ut est text. in c. super specul. extra de privileg. Quis igitur audeat Paderbornensi Gymnasio propterea Universitatis nomen adimere, quod ad eundem modum non nullas Ecclesiasticis personis minus consentaneas disciplinas non tractet? Meliusne illi norunt cui Universitatis, sive universalis studii nomen tribui possit, quam Pontifex & Imperator? Certe Paulus V. Pont. in suo diplomate „testatur se hoc Gymnasium Paderbornense in Universitatatem studii generalis perpetuo erigere & instituere, „vultque eam omnibus privilegiis non solum ad instar „aliarum Universitatum, sed pariformiter, ac æque „principaliter in omnibus, & per omnia uti, potiri, & „gaudere. Ad idem exemplum Imperator, in gymnasium & studium Universale erigit, & decernit, ut in ea gradum seu honorem assumentes, gandeant privilegiis quibuslibet, quibus Universitas Heidelbergensis, Tübingensis, Friburgensis, Ingolstadiensis, ac alia studia

dia privilegiata, ac Doctores, Licentiati, Magistri, Bacalaurei, & Scholastici illic promoti, aut aliqua dignitate seu gradu insigniti gaudent, utuntur, fruuntur, & potiuntur. Qui igitur Paderbornæ negant Universitatem proprie dictam esse, ii Jurisperitorum, & sumorum Principum inscientiam dum videntur fugillare velle, demonstrant suam.

CAPUT VII.

Illusterrimum Principem, condenda Academia, eximiam suam in Societatem Jesu voluntatem declarasse.

HAec igitur Universitatem (sic enim ipfis quoque Jurisconsultis approbantibus, appellemus) Ecclesiæ potissimum commodo, & dignitati institutam, Princeps illustrissime, curæ, atque potestati Societatis Jesu committendam, tradendamque judicasti. Sic enim tuo rogatu decernit in suo diplomate Pontif. Max. Ipsam Universitatem, ac studium generale sic erectum & institutum, curæ, regimini, & administrationi dictæ Societatis, & illius Præpositi Generalis, seu ab eo deputandi, qui totius Universitatis Rector existat, præfata auctoritate (*Apostolica*) etiam perpetuo supponimus, & submittimus. Eodem spectat, quod Cæsar jubet eam gubernari, juxta formulam Dilinganæ, aliarumque Academiarum in constitutionibus ejusdem Societatis comprehendensam. Etenim B. Ignatius, Societatis Jesu fundator, non modo putavit e republ. fore, si sui homines una cum aliis in publicis Academiis versarentur, sed etiam, si ita Deo cordi esset, ut ab aliquo Principe, vel Rep. alicujus Academiac administratio Societati credere tur, non commisit, ut posteri certas ab eo leges, & instituta desiderarent. Ejusmodi Academiac sunt non paucæ toto orbe excitatae, quarum primam fuisse accepimus Gandensem à Francisco Borgia ejus loci Duce, qui deinde Societati se adjunxit, primis illis ejus incunabulis

4. Parte
conf. c. II.
E seq.

fun-

fundatam. Secuta est Mamertina in Sicilia, à Joanne Vega Prorege, Caroli V. Cæsaris auspiciis condita. Tum Eborensis in Lusitania, fundatore Henrico Cardinali, qui ultimus suæ stirpis Rex postea fuit. In Gallia, ut alias omittam, maxime illuſtris est Flexiensis, quam Rex Henricus IV. cognomento Magnus, ea in domo, quæ infanti ipſi domicilium fuerat, erexit, ejusque in templo Cor ſuum condiuſſit. In Germania noſtra primus Otho Truchſes Cardinalis Augustanus, Dilinganam Academiam ab ſe fundatam totam Petro Canifio, Societatiq[ue] permifit. Eum ſecutus eſt Sereniffimus Carolus Austrius Archidux, Ferdinandi I. filius, Maximiliani II. frater, qui anno MDLXXXVI. Græcii in Stiria, Academiæ ab ſe munifice institutæ, ac locupletatæ Societatis homines rectores, & magiftri delegit. Quem nuper imitatus eſt ejus filius Leopoldus Passavensis, & Argentoratenis Antiftes, poſito Molles hemii in Alsatia publico Societatis Gymnasio. Horum tantorum Principum exemplo, Princeps Illuſtrissime, cum hanc Academiam, quæ populis ditionis tuæ æternæ salutis præſidium, & immortale ornamen-
tum eſſet, meditareris, fecit vetus illa, totque illuſtribus promeritis teſtata in hujus Societatis homines benignitas, & gratia, ut non alios ei præſificiendos putares. Nimirum ut flumina à modicis orta principiis, quo longius à capite recedunt, hoc majora ſumunt incrementa: ita, Princeps Illuſtrissime, conceptam jam inde ab anno MDLXXX. quo primum in hanc urbem pedem attulit, in hanc Societatem benevolentiam majoribus quotannis be-
neſiciis cumulare non definiſis. Cujus quidem benevo-
lentiae perpetuos ſocios, atque conforteres habuiſti admo-
dum Reverendos, & Prænobiles Cathedralis Ecclesiæ
Canonicos, quibus hæc Societas fuorum in hac Urbe
commodorum originem, ac progressum, cum ſumma
grati ac memoris animi ſignificatione acceptum ſe ferre
profitetur. Illi enim ſunt, qui eam primum ad ſpem re-
ligionis Catholicæ, vehementer eo tempore laborantis,
eri-

erigendam huc, ad conciones primum, deinde ad scholas quoque habendas advocarunt. Illi domum, quæque ad victum, & cultum pertinent tot Sociis, ac patribus, quot ante hic versati sunt, quam ad Collegii formam redigerentur, certis vestigialibus, perpetuis attributis, liberaliter & abunde providerunt. Illi gravissimis decretis Societatis famam, & commoditatem contra adversarios, atque adeo, anno MDLXXXIII. contra ipsum quoque Principem, aliter, ac nos de religione sentientem, qui missis legatis, Patribus Scholas interdici cupiebat, gravissimis sententiis, decretisque tutati sunt. Denique illud natibus, & dignitate amplissimum Collegium nunquam defit, societati ara quædam esse atque perfugium: nunquam favere studiis: nunquam labores sublevare: nunquam gratiam, & patrocinium impendere. Itaque hoc natali Academiæ nostræ, Princeps illustrissime, intelligis opinor officii nostri esse, horum quoque, quibus illa primam quasi stirpem suam debet, amplissimorum, ornatissimorumque Procerum, non sine gratiis, & beneficentia laude meminisse. Atque cum omnium semper erit dulcis, ac jucunda memoria, tum vero præcipue illorum, qui primis illis temporibus plurimum in accersenda, fovenda, tuenda Societate laborarunt. In his familiam ducebant Henricus de Meschede Decanus, Melchior à Plettenberg Camerarius, Guilielmus Schilder Scholasticus, quos precamur, ut Deus immortali felicitate remuneretur. Ex iis vero, qui etiamnum suam nobis lucem impertiunt, occurunt duo hujus Ecclesiæ lumina admodum Reverendi & nobiles DD. Walterus Brabeck Præpositus, & Arnoldus ab Horst Decanus, qui, ut sunt omni eruditioinis & prudentiae laude florentes, ita nullum faciunt finem præclara studia suis opibus, & favore adjuvandi, ac propagandi. Ejus adeo rei in Academia, monumentum semper erunt due tresses, magnis utriusque impensis ita exstructæ, ut Academica juventus ne pedem quidem inferre possit in Gymnasium, quin horum præstantissimorum

Eccle-

q


Ecclesiæ Procerum recordetur. Meministi enim, Princeps Illustrissime ejus diei, cum primum hujus novi gymnasii fundamenta sunt jacta, quo die hi duo Ecclesiæ nostræ summates, in amplificando Dei honore, dignitate Patriæ, commodis juventutis, Principem suum, & Antistitem honesto, jucundoque certamine æmulantes, perpetuum hujus suæ in bonas litteras voluntatis in ipsis quoque saxis, & muris, his turribus ædificandis, monumentum extare voluerunt. Video me jampridem, Princeps Optime, abuti patientia tua, qui orsus tibi gratulari, ad Canonicorum cœtum deflexerim. sed nimirum non decebat hodie Academiam THEODORIANAM, hoc suo natali, illius splendidissimi Collegii oblivisci, cuius suffragiis factum est, ut Theodorus Theodorianæ Academiæ parentes esse posset. Nam cum inter eos tot essent præstantissimi viri litterarum, Societatis, avitæ religionis omnes amore inflammati, videntur singulari Dei nutu eum Principem elegisse, qui unus cum omnium ardore, ac zelo patria facere posset. Quid enim illi collato studio, communicatisque consiliis ad amplificationem bonarum artium optare potuissent, quod non sit in tuo principatu perfetum? Dolebant quidam arctius Societatem habitare, quam ut plures liberalium disciplinarum magistros, aliosque divinæ rei operarios capere posset. Tu, Princeps Optime, simulatque ad Ecclesiæ gubernacula accessisti, dedisti operam, ut hunc idoneum maxime sacris functionibus locum nanciseretur. Dolori erat multis piis hominibus hoc D. Joannis Apostoli templum, quod antea fuerat quædam exquisitæ pietatis officina, duodecimum jam annum profanorum artificum strepitū personare. Confestim magno ære ab iis, quibus venundatum erat, redemptum vi. Idus Quintæ anni MDXCII. Societati tradidisti, eamque donationem Clemens VIII. Pont. Max. eodem anno ix. Kalend. Novemb. confirmavit. Desiderari quoque videbatur à nonnullis, ut Societas, in hac Urbe non temporariam duntaxat sedem, sed stabile justumque

que Collegium haberet. Id vero, insigni accessione ad priora vectigalia facta, cum ejus quoque fundationis Clemens Octavus auctor factus esset, non longo intervallo perfecisti. Quid quod, dirutis veteribus ædibus, quæ erant circum hoc templum, novas, laxas, firmas, & prope, quam ferat religiosorum hominum captus, augustiores, maximis impensis ædificare es aggressus? Itaque cum hæc Urbs, si ulla alia, sæpe vastata, ac fœdata incendiis, veteres illas magnificas, cuiusmodi olim fuisse accepimus, jam pridem desideret, cœpit ab hac præsertim excelsa, & quadrata turri, qua Collegium ornasti, non nihil pristini recuperare splendoris. Nihil dico de Bibliotheca cum aliis, tum præcipue sanctorum Patrum voluminibus perquam ornata: Nihil vel de Organo non minus oculis, quam auribus jucundo: vel de hoc marmoreo pietatis tuæ in ara maxima monumento, quibus rebus hoc templum mirifice decorasti: Nihil de suburbano facello B. Virginis quod Romanum vocant, quod, ut fodalium ejusdem Diuinae pietati faveres, tuamque quæ sane est in Matrem Dei eximia, demonstrares, tuis opibus instauratum, & locupletatum Societati possidendum, curandumque tradidisti. Mihi certe videtur, Princeps Optime, adhuc fuisse inter Dei in te, & tuam in nos benignitatem, jucundum quoddam, decorumque certamen. Nam cum ille plures, ac plures usque ad hanc ætatem annos tibi largiretur, neque ullum effluere fineres sine aliquo vel in res divinas, vel bonas litteras liberalitatis documento, nimirum diu vivendo, diu vivere meruisti. Inter alia vero gratissimum Societati, & Ecclesiæ in primis salutare illud munus accedit, cum domum probationis in hac Urbe Societati, idoneis vectigalibus instituisti, ubi religiosæ militiae tirones rudimentum ponerent, eamque pietatis ubertatem combiberent, quæ deinde cum bonis artibus conjungentes, ad plurimorum mortalium salutem longe lateque derivarent. Jam videbantur tua in nos beneficia ad id fastigium pervenisse, ut nihil accedere posse videretur, cum

q 2

tu,

tu, Princeps Optime, ordiris novæ molis fundamenta jace. Nova sublimiorum doctrinarum professoribus alendis perpetua vectigalia constituis: das litteras ad Pontif. Max. atque Cæsarem, quibus jus condendæ Academiæ flagitas: extruis hoc elegantissimum, commodissimumque Gymnasium: quod Deus bene evenire jubeat: Societati Jesu Academiam Theodorianam tradis atque commendas. Pro quo intelligit illa quidem quantas tibi, Princeps beneficissime, gratias debeat, sed quoniam hoc ejusmodi beneficium est, quod non solis verborum officiis compensari possit, sed quod acrem industriam, assiduos labores, continuas prope lucubrationes, atque vigilias desideret, Deum immortalem orat & obsecrat, ut qui tibi hujus instituendæ Academiæ est auctor, idem omnibus qui sunt, quique post aliis erunt in annis, Societatis Professoribus, & magistris eum studendi, docendique ardorem injiciat, eam constantiam, roburque tribuat, eam vim & lumen ingenii, & quod caput est, eas pietatis virtutisque copias, ut semper huic tuæ in divinum honorem, Reip. utilitatem, juventutis commoda præclaræ voluntati aliqua ex parte respondent.



CAPUT

CAPUT VIII.

Gratia Academicæ juventutis nomine.

Uid vero, Princeps Illustrissime, huic florentissimæ
Qjuventuti hodie animi credis esse? quantis incedere
 laetitiis? quam faustiste precationibus prosequi? Pa-
 lam enim iis litteris, quibus hodiernæ celebritati diem di-
 xisti, professus es, eorum præcipue te utilitati instituenda
 Academia consulere voluisse. Ubi illud etiam pronun-
 cias: Spem omnem instaurandæ, atque ad pristinum
 decus revocandæ Reip. hoc quidem tempore in recta
 tenerioris ætatis educatione positam esse. Quod
 tametsi aliorum quoque sapientum hominum sit judici-
 um, putant sibi tamen in quodam eximii honoris loco
 ducendum, quod à tam laudato Principe tanti fiunt, ut
 redintegratio salutis, ac dignitatis publicæ, ab se potissi-
 mum expe&ctetur. Quod si dictum duntaxat abs te esset,
 deberet sane cuiuslibet quamvis remissi ac desidis adole-
 scentis animum ad teneram suam ætatem, omnibus, qui-
 bus optas, bonis artibus excolendam permovere. Jam
 vero postquam perpetua triginta annorum liberalitate, &
 cura id egeris, ut juventutis studia inflammares, atque ad-
 juvares, qui his non movebitur, eum merito lapidem ha-
 bendum arbitrantur. Hodiernus sane dies satis osten-
 dit, quam sint cum præteritis tuis meritis, tum hujus A-
 cademiæ fundatione ad omne laudabilem studiorum de-
 cus erecti. Quanquam enim ingenue confitentur nihil
 se dignum hac tua Celsitudine, nihil tuis virtutibus, nihil
 tot beneficiis præstare posse, tamen non ignari ab arbore,
 quam nunc primum plantavéris, ante flores esse repeti-
 turum quam fructus; atque adeo voluptatem, quam o-
 lim fructus sunt allaturi, jam ex ipsis floribus præceptu-
 rum; confidunt fore, ut sua studia, quamvis tenuia, &
 quasi immatura, jucunda tibi accident. Certe parietes,
 nisi quid me fallit, omni versuum genere convestiti: ar-
 cus, atque emblemata plena ingenii: scenæ apparatus:

q 3

Astro-

Astronomicæ concertationes à nobilissimis adolescentibus, & Mathematicarum disciplinarum amantissimis susceptum: Theses de Philosophia naturali propositæ, aliaque de eodem genere, illustria quædam emolumenta brevi hanc Academiam allaturam esse Reipub. pollicentur. Atque utinam fieri posset, ut dum stabit, perpetuo te salvo & incolumifruī posset. Sane experiremūr verum esse, quod ab agricolis dicitur: *Fertilissimum in agro esse oculum domini.* Nunc, quod proximum est, vota assiduo faciemus, ut Deus immortalis maxima, atque uberrima apud cœlestes tuis beneficiis præmia jam nunc comparet, sed quo diutius cum Ecclesiæ, tum huic novellæ Academiæ profis, sero te ad ea fruenda discedere patiatur. Apud posteros vero, tuam vicem obibit hæc tua effigies in Gymnasio atrio posita, cui ascribi voluisti: Te affectu, zelo, que boni publici qua Religione, qua Sapientia procurandi, propagandique, Religioni quidem Templum, Sapientiæ vero Gymnasium Academicum, Collegium porro Patribus Societatis Jesu tanquam fidis utriusque thesauri dispensatoribus æternum consecrasse. Ex quo, cum ea quæ nunc in Gymnasio litteris operatur, tum ea, uti confido, quæ post futura est juventus, intelliget: si hanc Academiam florentem videre, si tuæ optimæ voluntati obsequi, si beneficiis gratam gratiam referre volet, nunquam ab officiis religionis a pietatis, nunquam à doctrinarum studiis, nunquam ab obsequio majorum esse discedendum,

F I N I S.

Re-

*Plinii
Lib. 18.
cap. 6.*